

S294

1275

1部12

醫學從衆
三



醫學從衆卷五

閩吳航陳念祖修園甫著

次男元犀靈石叅訂

心典徽菴

孫男

心蘭芝亭

仝校字

隔症反胃

隔者阻隔不通不能納穀之謂也。又謂之隔。言病在胸膈之間也。上焦出胃上口主納。中焦並胃中主腐化。下焦別迴腸主濟泌。此症三焦失職百無一生。丹溪指爲胃脘乾。



枯以四物湯入牛羊乳竹瀝韭汁之類主之。薛氏指爲懷
鬱傷肝。肝木尅土。以左金丸逍遙散六君子湯歸脾湯六
味丸八味丸之類。隨症間服。易思蘭本此法以治氣喘。晨
吞八味丸百粒。暮服暢衛湯。開導其上。滋補其下。多效。趙
氏以此病多得之五旬以上。腎水既乾。陰水偏盛。煎熬津
液。三陽熱結。則前後閉。瀉下既不通。必反於上。直犯清道。
上冲吸門。須以六味丸料大劑煎飲。久服可挽。十中之一
二。然以余觀之。隔病旣成。終無治法。問曰旣無治法。豈真
坐視其亡耶。

修園曰卽欲服藥亦不過盡人事而已。吾鄉老醫某只守
程氏啟膈飲一湯始服頗效。久亦增病。然而疫火鬱氣阻
逆於上者亦藉爲引導也。已任篇專取陽明以左歸飲加
生地當歸亦所以開賁門。此門開則能納食幽門此門開則關門
此門開則大便潤之法也。此數方之意皆防於仲景大半夏湯之
用甘瀾蜜水法。而不知仲景取半夏以升降陰陽藉人參
以重生津液復得蜜之滋潤灌溉流通而阻隔之患乃免
程氏以半夏耗液爲禁。豈知仲景麥門冬湯及此方之微
旨哉。

張石頑云。古人指噎膈爲津液乾枯。故水液可行。乾物梗塞爲枯。在上焦。余竊疑之。若果津液枯槁。何以食纔下咽。涎隨上湧乎。故知膈咽之間。交通之氣。不得降者。皆衝脈上行逆氣所作也。准氣逆故水液不得居潤下之常。隨氣逆湧耳。若以津枯而用潤下之劑。豈不反益其耶。平宜六君子湯加減。挾寒脈遲細者。加肉桂附子。挾熱脈數滑者。加枳實黃連。若噎而聲不出者。加五味子竹茹。喉中有一塊食物不下者。痰氣也。加海石柯子。膈間作痛。多是瘀血。加歸尾桃仁。韭汁童便。甚者加大黃微利之。千金五噎丸。

五膈丸亦可擇用

按張石頑主於衝脈上逆。誠千古灼見。亦從仲景大半夏湯悟出。然必謂潤下之劑。反益其邪。是因其涎沫之多。而狃於見症之陋習也。衝脈不治。取之陽明。故仲景以半夏降衝脈之逆。卽以白蜜潤陽明之燥。加人參以生旣亡之津液。石頑此論。得其半而遺其半也。蓋人之胃中。疊積如膏脂者。謂之胃陰。今因衝氣上逆。日嘔出粘涎。卽日亡其胃陰。尙得謂滋潤之劑。宜屏絕乎。余所以不敢阿好也。

人鏡經曰。內經云。三陽結。謂之隔。蓋足太陽膀胱經水道。



不行手太陽小腸經津液枯涸足陽明胃經燥糞結聚。以飲食拒而不入。縱入大蒼還出。喉嚨人之腸胃。一。便乃常度也。今隔食之人。五七日不便。陳物不去。新物不納。俗醫強分爲五膈十噎。支派旣多。併喪其實。標本不明。是以火裏煨薑。湯中煮桂。胡椒末已。葦撥繼之。丁香末已。豆寇繼之。雖曰和胃。胃本不虛。雖曰溫脾。脾本不寒。此病之所日盛也。法當用三一承氣湯。節次微下之後。用芝麻飲。斲之陳莖去。而腸胃潔。癥瘕盡。而榮衛昌。飲食自進矣。按此法雖偏。而百無一生之症。急用之。尙有餘望。否則

遂巡觀望何濟於事

反胃症。朝食暮吐。暮食朝吐。初患者尙可治。王太僕云。食不得入。是有火也。食入反出。是無火也。遵趙氏法。以六味丸治隔症。是壯水之主。以制陽光。以八味丸治反胃。是益火之原。以消除翳。而自愚論之。食入反出。脾失其消穀之能。胃失其容受之能。宜理中湯溫脾。加麥芽。以暢達一陽之氣。與參朮消補同行。土木不害。而脾得盡其所能。或吳茱萸湯溫胃。藉吳萸以鎮納厥陰之逆。氣合參朮甘溫相濟。震坤合德。而胃得盡其所能。而猶

恐中土大寒溫補大緩以乾薑吳東附子萆撥蜜丸脾
火化之速復恐燥熱上僭傷上焦細溫之氣以沙參白
朮茯苓麥芽五穀虫甘草白寇仁爲末厚裹於外入以
硃砂六一散爲衣使溫和之藥在外先行於上而辛熱
之藥曰口焦以直達命門熟腐水穀續以八味丸收其
全功若病勢之甚第以八味丸緩服未免迂濶矣張石
頑云
有陽虛不能統運嘔逆便秘用人參大黃附子攻之卽
通○瘀血在膈阻滯氣道而成者代抵當丸作芥子大
吞仁錢但飲熱湯及食
椒薑輒呃者有瘀血也

診脈

浮緩而滑

沉緩而滑

皆可

瀉短小

為難治

大半夏湯

方見金匱

啟膈飲

方見實易

三一承氣湯

方見時方

按外病與羸敗之人。前方未免。太峻余用麻仁丸及高

鼓峯新方代之。高鼓峯悟王捐菴治隔用大黃之妙。融

會一方。頗為穩當。方用熟地五錢。當歸白芍桃仁麻仁

各三錢。微微潤之。其形體如常。即以前方內加大黃一

二錢。以助血藥。



北京中医药大学图书馆藏

加減左歸飲

經云腎乃胃之關關門不利升降息矣關門即氣交之中天之樞也故腎旺則胃充胃陰

充則能食

已任篇曰隔痞一陽明盡之予治荆溪潘爾修之隔用左歸飲去茯苓加生地當歸兩大劑而便潤食進又下劑而兩便如常飲食復舊蓋以左歸飲中有甘草則直走陽明以和其中且當歸生地合用則能清胃火以生其陰胃陰上濟則賁門寬展故飲食能進胃陰下達則幽門闌門皆滋潤故二便如常去茯苓者恐其分流入坎不若專顧陽明之效速也

和中暢衛湯

紫蘇梗分五

香附炒醋

神麴炒

沙參錢各

桔梗

連翹去子尖

木香分四

蒼朮

撫芎

貝母分各八

砂仁分三

生薑片三

水煎服

易思蘭目註云香附、蘇梗、開竅行氣、蒼朮健中、貝母開鬱、痰連翹散六經之火、撫芎發肝木之困、神麴行脾之鬱、木香逐氣流行、桔梗升提肺氣、沙參助正氣而不助火、此方提上焦之火邪、乃火鬱發之之義也、然徒用此



方而不兼補下之藥雖能解散於一時其次無水制必
然復生而痞滿噎隔之疾恐尤甚於前也

愚按內經云。隔塞閉絕。上下不通。則暴憂之病也。可見
此病多起於鬱結不舒。胃氣不能敷布所致。張鷟所
謂神思間病是也。方中雖是解鬱套藥。而分兩多寡。氣
味配合。似有獨得之妙。又與八味丸間服。所以多效。喻
嘉言資液救焚湯。與八味丸間服。亦是此意。但救焚湯
大涼大降。流於奇險。不能此湯之平易近人也。

五噎丸

千金

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各一兩

人參

白朮

各二兩

橘皮

茯苓

各一兩五分

附子

一枚炮

右為細末諫蜜丸桐子大酒服十五丸日三服漸加至

三十丸

五膈丸

治飲食不得下手足冷上氣喘息

麥門冬

三兩

甘草

二兩

蜀椒

炒去汗

遠志肉



桂心

細辛

乾薑

炮各一
附子

炮一枚

人參

二兩

右爲細末，煉白蜜丸，彈子大，先食，噉一九，細細嚥之，喉中胸膈熱藥，九稍盡，再噉一九，日三夜二服，七日愈。月張石頑曰：二九同用，參附椒辛薑桂之類，一以肝氣上逆，胃氣不下，而嘔噎，故用萸橘以疎肝降逆，苓朮以健脾通津，一以腎氣不蒸，肺胃枯燥而不納，故用冬草以滋肺和胃，遠志以補火生土，又嘔噎而藥食可進者，頻與卜丸調之，膈塞而飲食不納者，時用大丸噉之，其立



法之詳若此可不辨而忽諸

吳茱萸湯

方見傷寒

理中湯

方見傷寒

連理丸

理中湯加黃連

八味丸

方見時方

又攷隔食反胃及嘔吐粒米不入之症多係七情不遂激動其氣氣亂載血上逆菀積於中胃氣阻隔用生鶩血乘熱飲之取其生氣未離以血攻血直透關鑰引宿積之瘀一通而出而胸脇豁然此法詳於蘇東坡瑣錄前輩金痛



還公郎韓慕廬東坦俱已驗效推之生鴨血生黃牛血亦

可用

西洋藥酒方

錦囊秘授

神治隔食翻胃一切痢疾水瀉等症立驗

紅豆蔻

去殼

肉豆蔻

麵裹煨用粗紙包厚去油

白豆蔻

去殼

甜肉桂

去

高良薑

切片炒

公丁香

各研淨細末戔准五分

先用上白水糖四兩水一飯碗入銅鍋內煎化再入雞

子清二個煎十餘沸入乾燒酒一斤離火置穩便處將

藥木入銅鍋內打勻以火點着燒酒片刻隨卽蓋鍋火

